

हनुमान चालीसा

HANUMAN CHALISA

॥दोहा॥

श्रीगुरु चरन सरोज रज,
निजमनु मुकुरु सुधारि ।
बरनउँ रघुबर बिमल जसु,
जो दायकु फल चारि ।
बुद्धिहीन तनु जानिके
सुमिरौं पवन.कुमार ।
बल बुधि बिद्या देहु मोहिं
हरहु कलेस बिकार ।

श्रीरामशरणम्

स्वामी सत्यानन्द मार्ग, जींद रोड, गोहाना (हरियाणा)

www.shreeramsharnam.com

॥चौपाई॥

जय हनुमान ज्ञान गुन सागर,
जय कपीस तिहुँ लोक उजागर । 1

राम दूत अतुलित बल धाम,
अंजनि.पुत्र पवनसुत नामा । 2

महाबीर बिक्रम बजरंगी,
कुमति निवार सुमति के संगी । 3

कंचन बरन बिराज सुबेसा,
कानन कुण्डल कुँचित केसा । 4

हाथ बज्र और ध्वजा बिराजे,
काँधे मूँज जनेउ साजे । 5

शंकर सुवन केसरी नंदन,
तेज प्रताप महा जग वंदन । 6

बिद्यावान गुनी अति चातुर,
राम काज करिबे को आतुर । 7

प्रभु चरित्र सुनिबे को रसिया,
राम लखन सीता मन बसिया । 8

सूक्ष्म रूप धरि सियहिं दिखावा,
बिकट रूप धरि लंक जरावा । 9

भीम रूप धरि असुर सँहारे,
रामचन्द्र के काज सँवारे । 10

लाय सजीवन लखन जियाये,
श्री रघुबीर हरषि उर लाये । 11

श्रीरामशरणम्

स्वामी सत्यानन्द मार्ग, जींद रोड, गोहाना (हरियाणा)

www.shreeramsharnam.com

रघुपति कीन्ही बहुत बड़ाई,
तुम मम प्रिय भरतहि सम भाई । 12

सहस बदन तुम्हरो जस गावैं,
अस कहि श्रीपति कण्ठ लगावैं । 13

सनकादिक ब्रह्मादि मुनीसा,
नारद सारद सहित अहीसा । 14

जम कुबेर दिगपाल जहाँ ते,
कबि कोबिद कहि सके कहाँ ते । 15

तुम उपकार सुग्रीवहिं कीन्हा,
राम मिलाय राज पद दीन्हा । 16

तुम्हरो मंत्र बिभीषन माना,
लंकेश्वर भए सब जग जाना । 17

जुग सहस्र जोजन पर भानु,
लील्यो ताहि मधुर फल जानू । 18

प्रभु मुद्रिका मेलि मुख माहीं,
जलधि लाँघि गये अचरज नाहीं । 19

दुर्गम काज जगत के जेते,
सुगम अनुग्रह तुम्हरे तेते । 20

राम दुआरे तुम रखवारे,
होत न आज्ञा बिनु पैसारे । 21

सब सुख लहै तुम्हारी सरना,
तुम रच्छक काहू को डर ना । 22

आपन तेज सम्हारो आपै,
तीनों लोक हाँक तें काँपै । 23

श्रीरामशरणम्

स्वामी सत्यानन्द मार्ग, जींद रोड, गोहाना (हरियाणा)

www.shreeramsharnam.com

भूत पिसाच निकट नहिं आवै,
महाबीर जब नाम सुनावै । 24

नासै रोग हरे सब पीरा,
जपत निरन्तर हनुमत बीरा । 25

संकट तें हनुमान छुड़ावै,
मन क्रम बचन ध्यान जो लावै । 26

सब पर राम तपस्वी राजा,
तिन के काज सकल तुम साजा । 27

और मनोरथ जो कोई लावै,
सोई अमित जीवन फल पावै । 28

चारों जुग परताप तुम्हारा,
है परसिद्ध जगत उजियारा । 29

श्रीरामशरणम्

स्वामी सत्यानन्द मार्ग, जींद रोड, गोहाना (हरियाणा)

www.shreeramsharnam.com

साधु सन्त के तुम रखवारे,
असुर निकन्दन राम दुलारे । 30

अष्टसिद्धि नौ निधि के दाता,
अस बर दीन जानकी माता । 31

राम रसायन तुम्हरे पासा,
सदा रहो रघुपति के दासा । 32

तुम्हरे भजन राम को पावै,
जनम जनम के दुख बिसरावै । 33

अन्त काल रघुबर पुर जाई,
जहाँ जन्म हरिभक्त कहाई । 34

और देवता चित्त न धरई,
हनुमत सेइ सर्व सुख करई । 35

श्रीरामशरणम्

स्वामी सत्यानन्द मार्ग, जींद रोड, गोहाना (हरियाणा)

www.shreeramsharnam.com

सङ्कट कटै मिटै सब पीरा,
जो सुमिरै हनुमत बलबीरा । 36

जय जय जय हनुमान गोसाईं,
कृपा करहु गुरुदेव की नाई । 37

जो सत बार पाठ कर कोई,
छूटहि बन्दि महा सुख होई । 38

जो यह पढ़ै हनुमान चालीसा,
होय सिद्धि साखी गौरीसा । 39

तुलसीदास सदा हरि चेरा,
कीजै नाथ हृदय महँ डेरा । 40

॥दोहा॥

पवनतनय संकट हरन
मंगल मूरति रूप।
राम लखन सीता सहित
हृदय बसहु सुर भूप।